



# COMUNE DE PÀDRIA

## DELIBERATZIONE DE SU CONSÌGIU COMUNALE N. 42 DE SU 25/11/2022

OGETU: APROVATZIONE ISCHEMA DE CONVENTZIONE TRA SU COMUNE DE CULLIERI, SU COMUNE DE POTUVIGARI E SU COMUNE DE PÀDRIA PRO S'ESERTZÌTZIU IN FORMA ASSOTZIADA DE SAS FUNTZIONES DE SEGRETÀRIU COMUNALE.

S'annu duamìgia e bintichimbe sa die bintichimbe de su mese de Santandria a sas 17.00, AULA CONSILIARE, a pustis de avisu de convocatzione regulare, chi cuntenet puru s'elencu de sas cosas de trattare, notificadu a sos Consigeris in càrriga de su Comune, publicadu a s'albu pretòriu de su Comune matessi in sos tèrmines de lege, s'est reunidu in sessione ordinària pùblica in prima convocatzione, su Consìgiu Comunale, de su cale a s'apellu resurtant:

SAMBENADU E NÙMENE	PRESENTE
DUT.RE MURA ALESSANDRO	EMMO
MARICA MATTEO SALVATORE	EMMO
DETTORI GIUSEPPA ANGELA	--
CONTU DANILO	--
PIRAS ANGELO	EMMO
DOMINICI SANTO	EMMO
MANCA ALESSANDRA	--
SERRA ANTONIO	EMMO
MASCIA ANGELA RITA	EMMO
Presentes n°6 Ausentes n°3	

Partètzipat su SEGRETÀRIU COMUNALE DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e deccarat aberta sa setziada pro trattare de s'ogetu giutu torra in subra.

## SU CONSÌGIU COMUNALE

**Bidu** su puntu 7 a s'òrdine de sos traballos de sa setziada de oe (òrdine de sos traballos in agiunta);

**Premìtidu** chi sa Segreteria Comunale de Padria est vacante a decùrrere dae su 11/07/2017;

**Ammentadu** chi s'art. 7, comma 31-su de tres de su d.l. n. 78/2010, gasi comente mudadu dae sa lege de mudadura 30 de trìulas de su 2010, n. 122, at apostivigadu sa sopressione de s'Agèntzia Autònoma pro sa Gestione de s'Albo de sos Segretàrios Comunales e Provintziales e sa sutzessione a tìtulu universale de su Ministèriu de s'Internu;

### **Recramados:**

- s'art. 10 de su D.P.R. n. 465/1997 e s'art. 30 de su D. Lgs. 18.08.2000 n. 267 e mm.ii.ii., chi previdint sa possibilidade pro sos Comunes de istipulare conventziones pro su servìtziu de segretèria comunale, puru in s'àmbitu de acordos prus ampros pro s'esertizìtziu assotziadu de funtziones e servìtzios comunales;
- s'art. 98, comma 3, de su D.lgs. n. 267/2000 e mm.ii.ii., chi apostivigat chi sos comunes podent istipulare conventziones pro s'ufitziu de segretàriu comunale, comunichende sa costituzione avènnida a s'Agèntzia, como Prefetura;
- s'art. 16-su de tres, comma 11, de su decretu-lege 30 de nadale de su 2019, n. 162, mudadu cun modificatziones, in sa lege de su 28 de freàrgiu de su 2020, n. 8, cun su cale est istadu aprovalu su critèriu nou de classificatzione de sas sedes de Segretèria conventzionadas, in base a su cale sa classe de Segretèria de sas conventziones prevididas dae s'art. 98, comma 3, de su Testu Ùnicu de su cale a su decretu legislativo 18 de austu de su 2000, n. 267, est determinada dae sa summa de sos abitanes de totu sos Comunes conventzionados;
- su Decretu de su Ministèriu de s'Internu de su 21 de santugaine de su 2020 chi giughet "Modalidade e disciplina a sa minuda pro s'aplicatzione de sos critèrios noos de classificatzione relativos a sas conventziones pro s'ufitziu de Segretàriu Comunale e Provintziale", publicadu in sa *Gazzetta Ufficiale* - Sèrie Generale N. 297 de su 30/11/2020;
- sa Tzirculare de su Ministru de s'Internu- Dipartimentu pro sos Afares Internos e Territoriales-Albu Natzionale de sos Segretàrios Comunales e Provintziales - Prot. N. 14449 de su 01/12/2020, chi at pro ogetu "Disciplina noa de sas conventziones pro s'Ufitziu de Segretàriu Comunale e Provintziale. Decretu de su Ministru de s'Internu de su 21 de santugaine de su 2020";
- Sa Tzirculare de sa Prefetura de Casteddu, Ufitziu Territoriale de su Governu, ex Agèntzia pro

sa gestione de s'Albu de sos Segretàrios Comunales e provintziales, prot. n. 7586 (P) de su 03.02.2014, chi disciplinat sas modalidades de conventzionamentu tra sedes de segretèria de cumpetèntzia de sa Setzione Sardigna de s'albu de sos Segretàrios Comunales e Provintziales;

**Evidenziadu** chi s'artìculu 12-bis de su decretu lege 27 de ghenàrgiu de su 2022, n. 4, mudadu cun mudaduras dae sa lege 28 de martzu de su 2022, n. 25, at definidu sos critèrios e sas modalidades pro s'atribuzione a sos segretàrios comunales de sa fàscia professionale "C", sa titularidade in sede s'ingulas o conventzionadas, tra sos 3.001 e sos 5000 abitanter, cun su reconnoschimentu de su tratamentu econòmicu prevididu pro sa sede superiore, pro sustènnere sos entes locales in s'acumprida de sos obietivos prevididos dae su Pianu Natzionale de *ripresa e resilienza* (PNRR),

**Considerada** s'intenzione, a fora de su Comune de Pàdria, puru de sos Comunes de Cullieri e de Potivigari, de costituire una sede ùnica de segreteria comunale tra sos matessi in ue su Comune de Cullieri siat a cabu de sa conventzione;

**Reconnotu** chi a su 31.12.2021:

- su Comune de Cullieri contaiat una popolazione residente de n. 2502 abitanter;
- su Comune de Potivigari contaiat una popolazione residente de n. 690 abitanter;
- su Comune de Pàdria contaiat una popolazione residente de n. 605 abitanter;

**Pretzisadu** chi sa forma de gestione assotziada de su Servìtziu de segreteria costituit unu percursu pro s'acumprida concreta de sos printzìpios de efitzièntzia, efitzidade, economitzidade e semplicitazione de s'atzione amministrativa e satisfaghet sas esigèntzias de sos tres entes e permitit, garantende s'acumprida curreta de s'atzione amministrativa, una minimadura de sos custos a càrrigu de onni ente;

**Àpidu** presente chi s'art. 99 de su D.Lgs. n. 267/2000 e mm.ii.ii. atribuit a su Sìndigu de s'Ente cabu de sa conventzione sa nòmina e sa rèveca de su segretàriu comunale, bastat chi bi siat un'acordu cun su Sìndigu de sos entes locales assotziados;

**Bidu** s'ischema de conventzione, formato da n. 7 artìculos, allegadu sub a) a custa deliberazione de sa cale costituit parte integrante e sustanziale e cunsideradu su matessi chi meresset de aprovazione;

**Averiguadu chi:**

- cunforma a s'art. 2, comma 2, de su mentovadu Decretu 21 de santugaine de su 2020, sa nòmina

de su Segretàriu de sa conventzione at a èssere disposta dae su Sindigu de su Comune de Cullieri, chi at sa classificatzione prus arta tra sos Entes in conventzione e chi, duncas, custu Comune leat su ruolu de Ente cabufila;

- sos istitutos giurìdicos e econòmicos ligados a s'acumprida de su raportu de servìtziu de su Segretàriu Comunale ant a èssere aplicados dae s'Ente cabufila, leende a cunsideru chi sos custos complessivos retributivos ant a èssere partzidos comente sighit:
  - a) Comune de Cullieri: 33,34 % (12 oras a chida);
  - b) Comune de Pàdria: 33,33% (12 oras a chida);
  - c) Comune de Potuvigari: 33,33 % (12 oras a chida);
- Pro sa punna de su respetu de sos valores de sos cales a s'art. 33, comma 2, de su decretu-lege 30 de abriale de su 2019, n. 34, mudadu cun modificatziones dae sa lege 28 de làmpadas de su 2019, n. 58, omni Comune insertat in s'ispeza de personale sa cuota a càrrigu pròpiu;
- sa conventzione at a dèvere èssere trasmitida a s'Albu Regionale de sos Segretàrios Comunales e Provintziales de Casteddu, pro sa leada de atu, netzessària pro sa classificatzione de sa sede de Segretèria conventzionada e pro sa verìfica in cabu a su sogetu sebestadu dae s'ente cabufila, de su possu de sos rechisidos prevididos dae sa contratatzione colletiva;

**Bida** sa cumpetèntzia pròpia cunforma de sas dispositziones normativas, istatutàrias e regulamentares in vigèntzia;

**Achisidos** a manera preventiva sos parres a favore subra de sa proposta de deliberatzione in òrdine a sa regularidade tècnica e contàbile espressados dae su Responsàbile de s'Àrea econòmicu-finanziària, cunforma a s'art. 49, comma 1, de su decretu legislativu 18 de austu de su 2000, n. 267 e mm.ii.ii.;

**Riferidu** chi, subra de sa matessi proposta, est istadu dadu, cun èsitu a favore, su controllu de regularidade amministrativa a incuru de su Segretàriu comunale;

**Intesu** s'interbentu de su Sindigu, acrarat sos tèrmines de sa conventzione pro s'esertzitziu in forma assotziada de s'Ufitzriu de segretèria comunale. No essende bi interbentos, cùmbidat sos Consigeris a aprovare sa proposta de deliberatzione.

Si protzedit a votare, pro artziada de manu, cun votatzione de sos presentes a favore totus de acordu;

## **DELÌBERAT**

**De fàghere pròpias** sas premissas narrative e motivatzionales a custu dispositivu chi inoghe si cunsiderant torradas a pònere a manera integrale;

**De approvare** s'ischema de Conventzione tra sos Comunes de Cullieri, Potuvigari e Pàdria pro s'esertìtziu in forma assotziada de sas funtziones de segretàriu comunale, allegadu a custa deliberatzione sub a), pro nde fàghere parte integrante e sustanziale.

**De dare atu** chi sa Conventzione de segretèria:

- at a durare finas a su 31/12/2025;
- posca de s'istipulatzione, at a èssere trasmitida a incuru de su Comune de Cullieri a sa Prefetura de Casteddu, paris cun s'àtera documentatzione netzessària;
- presomit chi sos Comunes in conventzione no apant nominadu unu Segretàriu comunale titolare;
- costituit una sede de segretèria comunale noa, sa titularidade de sa cale tocat de ufìtziu a su Segretàriu comunale titolare de su Comune de Cullieri, chi at sos rechisidos prevididos dae sa lege;
- at a divènnere eficatze a manera giurìdica solu dae sa die efetiva de intrada in servìtziu de su Segretàriu comunale titolare de sa sede de segretèria comunale noa.

**De incarrigare** su Sìndigu a sa sutascritzione de sa Conventzione de sa cale si tratat, chi at decurrèntzia dae su reconnoschimentu de sa matessi dae parte de sa Prefetura de Casteddu – ex Setzione Regionale de s'Agentzia Autònoma pro sa Gestione de s'Albu de sos Segretàrios Comunales e Provintziales;

**De decrarare**, in finis, cun àtera votatzione de sos presentes totus de acordu, custa deliberatzione luego esecutàbile bida s'urgèntzia de asseguare su perfetzionamentu de sas finalidades suas.

---

#### PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **24/11/2022** at espressadu parre a **FAVORE**

---

#### PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **24/11/2022** at espressadu parre a **FAVORE**

---

SU SÌNDIGU DUT. MURA ALESSANDRO

SU SEGRETÀRIU COMUNALE DUT.  
CARTA GIANCARLO

**NOTA DE PUBLICAZIONE N. 936**

Cunforma a s'art. 124 de su T.U. 267/2000 su Responsabile de sa Publicazione **SEGRETÀRIU COMUNALE DUT.CARTA GIANCARLO** atestat chi in data 25/11/2022 s'est protzèdidu a sa publicazione a s'Albu Pretòriu.

Sa Delibera est esecutiva cunforma a sas dispositziones de lege in vigèntzia